



30. maj 2008

Inatsisartut Forretningsorden-iani § 36 imm.1 tunngavigalugu Naalakkersuisunut apeqquteqaatit makkua apeqquteqaatiginiarpakka:

**Ilinniartut ilinniartut inissiaanni kollegiani najugaqartut najugaqarnikkut atugaat pillugit Naalakkersuisunut apeqquteqaat**

(Inatsisartuni ilaasortaq Lene Knüppel, Demokraatit)

**Tunngavigisaq:**

Nammineq uvanga takusaanera tunngavigalugu paasisimavara nunatsinni ilinniartut inaasa, kollegiat ilaat ajorluinnartuusut, allaammi oqarsinnaavunga tamakkua najugaqarfigissallugit naleq-qutinngitsuusut: Soorunalimi inuusuttut allatut ajornartumik taamaattunik najugaqartitaanertik annertuumik ajornartorsiutigaat.

Aasianni ilinniartut inigisaanni kollegiami najugaqartut ilaat Sermitsiamut oqaluttuarpoq, inimi najugarisamini ukiukkut igalaat qerruttartut, naallu kiassaat tamakkeersoraluartoq inigisami qia-nartorujussuusartoq. Tamatumalu saniatigut uffartarfimmi imeq kissartoq ufarnissamut nungut-tartoq.

Ilinniartut ilinniartut inissiaanni, kollegiani taama ajortigisuni najugaqartinneqarnertik anner-tuumik ajornartorsiutigimmassuk Demokraatiniit tungaanniit isumaqatigineqarput. Tamanna naapertuilluarnerunngilaq akuersaarneqarsinnaananiluunniit.

Tamakkua tunuliaqutaralugit Naalakkersuisunut imaattunik apeqquteqaateqarniarpunga:

1. Naalakkersuisut ilinniartut inaanni, kollegiani, pingaartumillu ilinniartut inaanni nutaannginnerusuni atukkatigut pitsanngorsaanissaq Naalakkersuisut december 2005-imi atuutilerminniit qanoq ingerlassimaneraat pillugit nassuiaateqarnissamut qunnuvigineqarput.
  - a. Naalakkersuisut apeqquteqaatit tunuliaqutaralugit akissuteqarnerminnut ilanngullugu manna tikillugu naammattunik iliuuseqarsimasutut isumaqarpaat?
2. Naalakkersuisut nunatsinni ilinniartut inaanni, kollegiani pioreersuni atukkatigut pitsanngorsaanissanik pilersaaruteqarput, taamaammallu pilersaarutit suunersut paaserusunneqarput.

Apeqquteqaatima ullut suliffiusut quliat qaangiutsinnagit akissuteqatfigineqarnissat inussiarner-sunik qinnutigissavara.